

**VII. JAVNOST RADA VLADE**

## Članak 31.

Rad Vlade je javan.

Vlada obavještava javnost o svome radu, kao i o značajnim pitanjima koja su razmatrana ili će biti razmatrana na sjednici Vlade.

## Članak 32.

Obavještavanje javnosti o radu Vlade obnaša se sukladno propisima o informiranju i Poslovníkom o radu Vlade.

**VIII. SLUŽBE VLADE**

## Članak 33.

Za obavljanje određenih stručnih, tehničkih i drugih poslova za potrebe Vlade, Vlada može osnovati ured, službu, kabinet i dr.

Za vršenje određenih zajedničkih poslova za potrebe Vlade, kantonalnih organa i upravnih ustanova, Vlada može osnovati zajedničku službu.

Aktom o osnivanju ureda, službe, kabineta i dr., utvrđuje se njihov djelokrug rada, rukovođenje i druga pitanja od značaja za njihov rad.

**IX. PRIJELAZNE I ZAVRŠNE ODREDBE**

## Članak 34.

Kantonalni zakoni i drugi kantonalni propisi o organizaciji kantonalnih organa uprave i upravnih ustanova, uskladit će se s odredbama ovog Zakona, u roku od tri mjeseca od dana stupanja na snagu ovog Zakona.

## Članak 35.

Danom stupanja na snagu ovog Zakona prestaje da važi Zakon o Vladi Tuzlanskog kantona ("Službene novine Tuzlansko-podrinjskog kantona", broj: 2/94., 4/95. i 9/96. i "Službene novine Tuzlanskog kantona", broj: 4/00.).

## Članak 36.

Ovaj Zakon stupa na snagu osmog dana od dana objavljivanja u "Službenim novinama Tuzlanskog kantona".

Bosna i Hercegovina  
Federacija Bosne i Hercegovine  
TUZLANSKI KANTON  
Sabor

Broj: 01-011-371-14/00  
Tuzla, 2. 11. 2000. godine

Predsjednik  
Sabora Tuzlanskog kantona,  
**Dr. Izet Žigić, v.r.**

588

Na osnovu poglavlja IV, odjeljak B, člana 33. stav 1. tačka e) Ustava Tuzlanskog kantona, donosim

**UKAZ**

**O PROGLAŠENJU ZAKONA O MINISTARSTVIMA  
I DRUGIM ORGANIMA UPRAVE  
TUZLANSKOG KANTONA**

Proglašava se Zakon o ministarstvima i drugim organima uprave Tuzlanskog kantona, koji je donijela Skupština Tuzlanskog kantona na sjednici od 18. 11. 2000. godine.

Broj: 01/1-02-1866/00  
Tuzla, 27. 11. 2000. g.

Predsjednik  
Tuzlanskog kantona  
**Dr. Tarik Arapčić, v.r.**

**ZAKON**

**O MINISTARSTVIMA I DRUGIM ORGANIMA  
UPRAVE TUZLANSKOG KANTONA**

**I. OPĆE ODREDBE**

## Član 1.

Ovim Zakonom osnivaju se ministarstva, uprave i upravne ustanove Tuzlanskog kantona (u daljem tekstu: Kanton), određuje njihova nadležnost i uređuju druga pitanja od značaja za njihovo organizovanje i funkcionisanje.

## Član 2.

Ministarstva i uprave su organi uprave Kantona, koji se ovim Zakonom osnivaju za obavljanje upravnih i drugih stručnih poslova iz nadležnosti Kantona.

Upravne ustanove, osnivaju se ovim Zakonom za vršenje određenih stručnih i drugih poslova, kao i s njima povezanih upravnih poslova.

## Član 3.

Organi uprave i upravne ustanove iz člana 2. ovog Zakona, vrše poslove uprave iz nadležnosti Kantona, u okviru svojih nadležnosti utvrđenih ovim Zakonom i drugim propisima.

## Član 4.

Sjedište ministarstava, uprava i upravnih ustanova Kantona je u Tuzli.

**II. MINISTARSTVA I DRUGI ORGANI KANTONALNE UPRAVE**

## Član 5.

Ministarstva Kantona su:

1. Ministarstvo unutrašnjih poslova,
2. Ministarstvo pravosuđa i uprave,
3. Ministarstvo obrazovanja, nauke, kulture i sporta,
4. Ministarstvo prostornog uređenja i zaštite okolice,
5. Ministarstvo finansija,
6. Ministarstvo industrije, energetike i rudarstva,
7. Ministarstvo trgovine, turizma i saobraćaja,
8. Ministarstvo poljoprivrede, šumarstva i vodoprivrede,
9. Ministarstvo zdravstva,
10. Ministarstvo za rad i socijalnu politiku,
11. Ministarstvo za obnovu, razvoj i povratak,
12. Ministarstvo za boračka pitanja.

## Član 6.

**Ministarstvo unutrašnjih poslova** vrši upravne i druge stručne poslove koji se odnose na:

- obezbjeđivanje primjene najviših standarda ljudskih prava i sloboda utvrđenih međunarodnim aktima, ustavima i zakonima u oblastima iz nadležnosti Ministarstva;
- provođenje propisa i utvrđene politike u okviru nadležnosti Ministarstva, te informisanje i izvještavanje organa zakonodavne i izvršne vlasti Kantona u vezi s tim;
- zaštitu života i imovine;
- praćenje, usmjeravanje i usklađivanje rada policijskih uprava, naročito u poslovima i zadacima policije, pružanje stručne pomoći policijskim upravama, te vršenje nadzora nad njihovim radom;
- preduzimanje mjera za sprječavanje i otkrivanje krivičnih djela i pronalaženje i hvatanje njihovih počinilaca;
- učestvovanje u vršenju poslova i zadataka zaštite života i lične sigurnosti građana i lične imovine, kao i zaštitu objekata i drugih materijalnih dobara u slučaju opće opasnosti ili kad je javni red i mir narušen u većem obimu, kao i u slučaju terorističkog i drugog nasilnog djelovanja, odnosno oružane pobune;
- utvrđivanje programa stručnog osposobljavanja i usavršavanja policije i drugih ovlaštenih službenih lica i vršenje provjere njihove osposobljenosti, staranje o realizaciji tih programa i naređivanje izvođenja odgovarajućih vježbi;
- staranje o primjeni i usavršavanju stručnih i naučnih metoda rada policije;
- planiranje, organizovanje, održavanje i izgradnju jedinstvenog i funkcionalnog sistema veza i obavljanje poslova prijenosa i zaštite informacija i protivelektronske zaštite sistema veza;
- vršenje kriminalističko-tehničkih vještačenja iz nadležnosti Ministarstva;
- staranje o uvođenju i primjeni savremenih naučnih dostignuća u suzbijanju kriminaliteta i preduzimanje mjera na suzbijanju i otkrivanju krivičnih djela;
- objavljivanje kantonalne potrage i izdavanje odgovarajućeg glasila o potragama;
- obezbjeđivanje obrade podataka iz oblasti unutrašnjih poslova;
- vođenje propisane i druge potrebne statističke i operativne evidencije i staranje o vođenju tih evidencija u policijskim upravama;
- vršenje kontrole kretanja i boravka stranaca na području Kantona;
- vršenje zaštite od požara i eksplozija i nadzor nad radom vatrogasnih jedinica;
- dostavljanje Federalnom ministarstvu unutrašnjih poslova operativnih podataka i obavještenja, kao i statističkih podataka u vezi poslova iz zajedničke nadležnosti Kantona i Federacije i poslova iz nadležnosti Federacije, čije je vršenje povjereno Ministarstvu;
- uspostavljanje programa koji će favorizovati aktivno učešće stanovništva u sprječavanju kriminala;
- donošenje podzakonskih akata kojima se obezbjeđuje da sva kršenja ljudskih prava, poznata ili prijavljena policiji, budu pismeno dokumentovana i temeljito istražena;
- donošenje podzakonskih akata kojima se obezbjeđuje da prava svih žrtava zločina i krivičnih djela budu poštivana i da sve prijavljeno bude dokumentovano i istraženo na odgovarajući način;
- pripremanje nacrtu zakona i drugih propisa iz nadležnosti Ministarstva;
- rješavanje o upravnim stvarima iz nadležnosti Ministarstva;
- vršenje nadzora u pogledu izvršavanja poslova iz nadležnosti Ministarstva;
- vršenje i drugih poslova u skladu sa propisima iz nadležnosti Ministarstva.

## Član 7.

**Ministarstvo pravosuđa i uprave** vrši upravne i druge stručne poslove koji se odnose na:

- obezbjeđivanje primjene najviših standarda ljudskih prava i sloboda utvrđenih međunarodnim aktima, ustavima i zakonima u oblastima iz nadležnosti Ministarstva;
- praćenje i proučavanje stanja i pojava u sudovima, tužilaštvima i sudovima za prekršaje u Kantonu, te predlaganje i preduzimanje potrebnih mjera;
- praćenje organizacije rada, kadrovska pitanja i uslove za rad sudova, tužilaštava i sudova za prekršaje u Kantonu, kao i kantonalnih kazneno-popravnih i disciplinskih ustanova, te davanje mišljenja i prijedloga o tim pitanjima;
- sprovođenje postupka koji prethodi izboru i imenovanju sudija, tužilaca, zamjenika tužilaca i sudija za prekršaje;
- praćenje rada sudske uprave i uprave u sudovima za prekršaje, te preduzimanje odgovarajućih mjera za unapređivanje rada te uprave;
- praćenje rada kantonalnih kazneno-popravnih i disciplinskih ustanova;
- praćenje primjene propisa iz oblasti krivičnih i prekršajnih sankcija i izvršenja odluka kantonalnih i federalnih sudova;
- ispitivanje osnovanosti predstavki i pritužbi na rad sudova, tužilaštava i sudova za prekršaje u Kantonu, zbog nepostupanja, odugovlačenja postupka ili drugih razloga;
- izvršenje kazne zatvora, izrečene na osnovu kantonalnog zakona, u posebnom odjeljenju Kazneno-popravnog zavoda poluotvorenog tipa u Tuzli;
- utvrđivanje orijentacionih mjerila o potrebnom broju sudija i ostalih radnika u sudovima i sudovima za prekršaje i osnova i mjerila za unutrašnju organizaciju u tužilaštvima;
- propisivanje načina unutrašnjeg poslovanja sudova i sudova za prekršaje;
- sprovođenje postupka koji prethodi postavljenju i predlaganje stalnih sudskih vještaka i stalnih sudskih tumača;
- organizovanje i način rada organa uprave i upravnih ustanova Kantona,
- provođenje kantonalnih propisa o upravnom postupku i kancelarijskom poslovanju organa uprave i upravnih ustanova Kantona;
- praćenje rada organa uprave i upravnih ustanova Kantona, preduzimanje i predlaganje odgovarajućih mjera za unapređivanje, racionalizaciju i efikasan rad tih organa i ustanova;
- praćenje primjene propisa o općem i posebnim upravnim postupcima, kancelarijskom poslovanju, radnim odnosima službenika i namještenika u kantonalnim organima uprave i upravnim ustanovama, te sačinjavanje odgovarajućih analiza, informacija i izvještaja u vezi s tim;
- praćenje primjene propisa u oblasti lokalne samouprave, vršenje potrebnih izmjena i dopuna tih propisa i sprovođenje drugih potrebnih aktivnosti u cilju dosljedne primjene odredbi Evropske povelje o lokalnoj samoupravi;
- praćenje organizacije i rada općinskih službi za upravu na koje je preneseno vršenje poslova iz nadležnosti Kantona;
- registraciju udruženja građana čije je područje djelovanja u okviru područja Kantona;
- pripremanje nacrtu zakona i drugih propisa iz nadležnosti Ministarstva;
- rješavanje o upravnim stvarima iz nadležnosti Ministarstva;
- vođenje propisanih službenih evidencija;
- inspekcijski nadzor u svim oblastima iz nadležnosti Ministarstva;
- vršenje i drugih poslova iz ovih oblasti, u skladu sa zakonom, kao i poslova koji ne spadaju u nadležnost drugog organa uprave Kantona.

## Član 8.

**Ministarstvo obrazovanja, nauke, kulture i sporta** vrši upravne i druge poslove koji se odnose na:

- obezbjeđivanje primjene najviših standarda ljudskih prava i sloboda utvrđenih međunarodnim aktima, ustavima i zakonima u oblastima iz nadležnosti Ministarstva;
- predškolski i osnovni odgoj i obrazovanje;
- srednje, više i visoko obrazovanje;
- pripremu prijedloga dugoročnog programa razvoja i koncepciju odgojno-obrazovnih ustanova, koji donosi Skupština Kantona;
- donošenje nastavnih planova i programa predškolskog, osnovnog i srednjeg obrazovanja;
- davanje saglasnosti na nastavne planove i programe javnih univerziteta;
- donošenje pedagoških standarda i normativa prostora, opreme i nastavnih sredstava za predškolski odgoj, osnovno, srednje i visoko obrazovanje;
- vođenje registara odgojno-obrazovnih ustanova predškolskog odgoja, osnovnog, srednjeg i visokog obrazovanja;
- praćenje i poboljšanje učeničkog i studentskog standarda;
- praćenje i razvoj naučnoistraživačke djelatnosti i naučno-tehničkih informacija i komunikacija na području kantona;
- vođenje registra naučnoistraživačkih ustanova;
- praćenje i razvoj djelatnosti kulture (muzejske, arhivske, bibliotečke, izdavačke, pozorišne, muzičke, likovne, filmske i druge djelatnosti kulture);
- zaštitu i korišćenje kulturno-historijskog naslijeđa;
- utvrđivanje standarda i normativa za obavljanje djelatnosti u oblasti kulture;
- vođenje registara ustanova kulture i drugih pravnih i fizičkih lica, koja obavljaju djelatnosti iz oblasti kulture;
- praćenje stanja i poboljšanje obavljanja djelatnosti iz oblasti tehničke kulture;
- praćenje i podržavanje sportista i sportskih udruženja od interesa za Kanton;
- vođenje registara sportista i pravnih subjekata koji obavljaju djelatnosti iz oblasti sporta;
- utvrđivanje politike u vezi sa obezbjeđenjem radija i televizije i pripremu propisa koji regulišu sistem informisanja;
- vođenje baze podataka odgojno-obrazovnih, naučnoistraživačkih ustanova i ustanova kulture, sporta i informisanja, kao i drugih pravnih i fizičkih lica nad čijim radom nadzor vrši Ministarstvo;
- nadzor nad zakonitošću rada ustanova i drugih pravnih i fizičkih lica iz oblasti obrazovanja, nauke, kulture, sporta i informisanja;
- utvrđivanje normativa i kriterija za finansiranje ustanova i drugih pravnih lica nad čijim radom nadzor vrši Ministarstvo;
- pripremanje nacrtu zakona i drugih propisa iz nadležnosti Ministarstva;
- rješavanje o upravnim stvarima iz nadležnosti Ministarstva;
- inspekcijiski nadzor nad zakonitošću rada pravnih i fizičkih lica, nad čijim radom nadzor vrši Ministarstvo;
- izdavačku djelatnost u okviru svoje nadležnosti;
- druge poslove iz nadležnosti Ministarstva, u skladu sa zakonom.

U sastavu Ministarstva obrazovanja, nauke, kulture i sporta je upravna ustanova:

Pedagoški zavod.

**Pedagoški zavod** vrši stručne i druge poslove koji se odnose na:

- utvrđivanje prijedloga koncepcija odgojno-obrazovnih ustanova, nastavnih planova i programa, pedagoških standarda, normativa opreme, nastavnih sredstava i učila za ustanove predškolskog, osnovnog i srednjeg obrazovanja i domove učenika;

- stručno-pedagoški nadzor nad organizacijom rada obrazovno-odgojnih ustanova;
- organizovanje jedinstvenog obrazovno-odgojnog informacionog sistema na području Kantona;
- izdavačku djelatnost u okviru svoje nadležnosti,
- praćenje, analiziranje i unapređivanje svih oblika odgojno-obrazovnog rada u oblasti predškolskog i osnovnog odgoja i obrazovanja i srednjeg obrazovanja;
- organizovanje i izvođenje stručnog usavršavanja nastavnika, stručnih saradnika i saradnika u odgojno-obrazovnim ustanovama;
- organizovanje i praćenje rada oglednih stručno-metodičkih centara i eksperimentalnih škola;
- rad na razvojnim istraživanjima u oblasti obrazovanja,
- druge poslove u skladu sa zakonom i drugim propisima.

## Član 9.

**Ministarstvo prostornog uređenja i zaštite okolice** vrši upravne i druge stručne poslove koji se odnose na:

- obezbjeđivanje primjene najviših standarda ljudskih prava i sloboda utvrđenih međunarodnim aktima, ustavima i zakonima u oblastima iz nadležnosti Ministarstva;
- istraživanje, provjeru i ocjenu mogućnosti razvoja prostora Kantona;
- provedbu i praćenje provedbe dokumenata prostornog uređenja na kantonalnom nivou;
- usaglašavanje prostornog uređenja Kantona sa prostornim uređenjem Federacije Bosne i Hercegovine (u daljem tekstu: Federacija) i prostornog uređenja općina međusobno;
- uspostavljanje sistema informacija o prostoru od značaja za Kanton, a u svrhu planiranja korišćenja i zaštite prostora;
- pripremu i provođenje prostornih planova i urbanističkih planova posebnih obilježja;
- izradu programa projektnih zadataka, vođenje nadzora u oblasti inženjerske geologije za potrebe prostornog planiranja Kantona;
- izdavanje urbanističkih saglasnosti, odobrenja za izgradnju i odobrenja za upotrebu za građevine i radove u skladu sa posebnim zakonom,
- poslove stručno-tehničke pripreme za izradu godišnjeg programa za donošenje prostorne i urbanističke dokumentacije;
- sprovođenje zaštite okolice i prirode radi očuvanja okolice i prirode, smanjenje rizika za život i zdravlje ljudi, obezbjeđenje i poboljšanje kvaliteta življenja za dobrobit sadašnjih i budućih generacija;
- zaštitu zraka, tla, voda, biljnog i životinjskog svijeta od zagađenja i njihovog nepovoljnog uticaja u ukupnosti uzajamnog djelovanja;
- zaštitu od buke, vibracija, jonizirajućih, odnosno nejonizirajućih zračenja i njihovog štetnog uticaja na okolicu i prirodu;
- izradu strategije zaštite okolice za područje Kantona;
- vođenje registra zagađivača i registra zagađenja stanja okolice;
- sprovođenje utvrđene stambene politike;
- pripremanje nacrtu zakona iz stambene oblasti;
- pripremanje nacrtu propisa o korišćenju lokalnog zemljišta, uključujući zoniranje, kao i drugih propisa iz nadležnosti Ministarstva;
- pripremanje nacrtu zakona i drugih propisa iz nadležnosti Ministarstva;
- rješavanje o upravnim stvarima iz nadležnosti Ministarstva;
- inspekcijiski nadzor u oblastima iz nadležnosti Ministarstva;
- vršenje i drugih poslova iz nadležnosti Ministarstva, u skladu sa zakonom.

U sastavu Ministarstva prostornog uređenja i zaštite okolice je Uprava za geodetske i imovinsko-pravne poslove.

**Uprava za geodetske i imovinsko-pravne poslove** vrši upravne i druge stručne poslove koji se odnose na:

- premjer, uspostavljanje i obnovu katastra nekretnina i katastra komunalnih uređaja;
- kartografiranje teritorije Kantona;
- komasaciju zemljišta i premjeravanje zemljišta za posebne potrebe;
- imovinsko-pravne i druge stvarno-pravne poslove koji se odnose na nekretnine, imovinsko-pravne poslove u vezi sa nekretninama na kojima Kanton ima pravo raspolaganja;
- vršenje i drugih poslova u skladu sa zakonom.

#### Član 10.

**Ministarstvo finansija** vrši upravne i druge stručne poslove koji se odnose na:

- obezbjeđivanje primjene najviših standarda ljudskih prava i sloboda utvrđenih međunarodnim aktima, ustavima i zakonima u oblastima iz nadležnosti Ministarstva;
- porezni sistem i poreznu politiku Kantona;
- praćenje carinskog sistema i to samo u dijelu koji reguliše nadležnost Kantona u vezi sa radom carinarnice na njegovom području u skladu sa propisima carinske službe Federacije;
- praćenje finansijskih i kreditnih odnosa sa inostranstvom u okviru ovlašćenja Kantona, a po poslovima privrednih subjekata i budžetskih korisnika sa svog područja;
- praćenje novčanog i bankarskog sistema u dijelu koji reguliše nadležnost Kantona, a u skladu sa federalnim zakonom;
- sistem taksi iz nadležnosti Kantona;
- sistem regulacije igara na sreću u skladu sa zakonom,
- finansiranje funkcije Kantona - planiranje i izvršenje budžeta Kantona i godišnje obračune budžeta Kantona;
- centralizovanu isplatu plaća;
- sistem finansiranja razvojnih i drugih fondova u skladu sa zakonom,
- finansijsko izvještavanje;
- sistem fondova Kantona u skladu sa zakonom;
- poslove revizije i kontrole utroška budžetskih sredstava;
- pripremanje nacrtu zakona i drugih propisa iz nadležnosti Ministarstva;
- sistem finansiranja općih i društvenih potreba iz nadležnosti Kantona;
- utvrđivanje dinamike praćenja i planiranja nedostajućih sredstava, koncentraciju finansijskih sredstava;
- poboljšanje finansijskog sistema u Kantonu;
- ekonomsko-finansijske poslove u vezi sa imovinom Kantona;
- vršenje i drugih poslova iz ovih oblasti, u skladu sa zakonom iz nadležnosti Ministarstva.

#### Član 11.

**Ministarstvo industrije, energetike i rudarstva** vrši upravne i druge stručne poslove koji se odnose na:

- obezbjeđivanje primjene najviših standarda ljudskih prava i sloboda utvrđenih međunarodnim aktima, ustavima i zakonima u oblastima iz nadležnosti Ministarstva;
- industriju, energetiku i rudarstvo u skladu sa zakonom;
- praćenje proizvodnje i preduzimanje odgovarajućih mjera za njeno ostvarenje i unapređenje u privrednim subjektima prema kojima ovlašćenja i obaveze vlasnika kapitala vrši Kanton;
- korišćenje prirodnih bogatstava u skladu sa zakonom;
- iskorišćavanje mineralnih sirovina i proizvodnju u okviru zakona i drugih propisa i tehničkih normativa i standarda iz ove oblasti;
- pripremanje kantonalnih propisa o postrojenjima za proizvodnju energije i obezbjeđenje njihove dostupnosti;

- koncipiranje i donošenje energetske bilansa proizvodnje i distribucije električne energije;
- praćenje realizacije i potrošnje električne energije;
- učestvovanje u raspodjeli i distribuciji energije i energenata;
- geološka istraživanja,
- prehrambenu industriju, proizvodnju alkoholnih i bezalkoholnih pića, stočne hrane, proizvodnju i preradu duhana;
- drvenu industriju;
- učestvovanje u utvrđivanju strategije razvoja Kantona u okviru ekonomske politike za unapređivanje privrednog i društvenog razvoja Kantona i strategije zaštite okoline u oblastima iz nadležnosti Ministarstva;
- učestvovanje u procesu tranzicije i privatizacije preduzeća u oblastima iz nadležnosti Ministarstva;
- pripremanje nacrtu zakona i drugih propisa iz nadležnosti Ministarstva;
- rješavanje o upravnim stvarima iz nadležnosti Ministarstva;
- vođenje propisanih službenih evidencija;
- inspekcijски nadzor u oblastima iz nadležnosti Ministarstva;
- vršenje i drugih poslova, u skladu sa zakonom iz nadležnosti Ministarstva.

#### Član 12.

**Ministarstvo trgovine, turizma i saobraćaja** vrši upravne i druge stručne poslove koji se odnose na:

- obezbjeđivanje primjene najviših standarda ljudskih prava i sloboda utvrđenih međunarodnim aktima, ustavima i zakonima u oblastima iz nadležnosti Ministarstva;
- provođenje propisa u oblasti trgovine i turizma u skladu sa federalnim zakonom;
- unutrašnju trgovinu i uspostavljanje ekonomskih odnosa sa drugim kantonima;
- praćenje i analiziranje trgovine na Kantonu,
- promet roba i usluga unutar Kantona u skladu sa federalnim zakonom;
- bilansiranje i praćenje snabdijevnosti Kantona;
- praćenje i analiziranje izvoza i uvoza roba i usluga na području Kantona;
- davanje inicijativa u kreiranju politike uvoza i izvoza u cilju zaštite proizvodnje unutar Kantona;
- kontrolu cijena proizvoda i usluga u skladu sa zakonom;
- praćenje i izvršavanje ekonomskih sporazuma Kantona u skladu sa zakonom;
- primjenu politike kantonalnog turizma, razvoj turističkih resursa;
- kreiranje politike i razvoj rekreativnih, rehabilitacionih i drugih centara u koordinaciji sa nadležnim ministarstvima;
- predlaganje propisa o visini turističke takse, ako federalnim propisom nije drugačije predviđeno;
- turističko-propagandnu djelatnost;
- ugostiteljstvo;
- pripremanje odluka u okviru ekonomske politike za postizanje privrednog i društvenog razvoja Kantona;
- cjevovodni i integralni transport;
- obezbjeđenost svih vidova saobraćaja u Kantonu;
- registraciju i usklađivanje linija, te redova vožnje za kantonalne linije;
- izradu saobraćajne osnove Kantona u skladu sa saobraćajnom osnovom Federacije;
- saradnju sa organima uprave Federacije i drugih kantona nadležnih za oblast saobraćaja i komunikacija;
- stvaranje uslova za nastup u inozemstvu privrednih subjekata iz oblasti saobraćaja sa područja Kantona;
- određivanje naknade za korišćenje kantonalnih puteva;
- unapređivanje sigurnosti prometa na području Kantona;
- kategorizaciju puteva na području Kantona u skladu sa zakonom;

- pripremanje nacrtu zakona i drugih propisa iz nadležnosti Ministarstva;

- rješavanje o upravnim stvarima iz nadležnosti Ministarstva;
- vođenje propisanih službenih evidencija;
- inspekcijski nadzor u oblastima iz nadležnosti Ministarstva;
- vršenje i drugih poslova, u skladu sa zakonom iz nadležnosti Ministarstva.

#### Član 13.

**Ministarstvo poljoprivrede, šumarstva i vodoprivrede**, vrši upravne i druge stručne poslove koji se odnose na:

- obezbjeđivanje primjene najviših standarda ljudskih prava i sloboda utvrđenih međunarodnim aktima, ustavima i zakonima u oblastima iz nadležnosti Ministarstva;
- zaštitu i korišćenje poljoprivrednog zemljišta;
- povezivanje zemljoradnika u pojedinim oblicima organizovanja;
- unapređivanje poljoprivredne proizvodnje;
- zaštitu poljoprivrednog bilja i proizvoda od uzročnika bolesti, štetočina i korova;
- proizvodnju, doradu i promet sjemena poljoprivrednog bilja;
- proizvodnju i promet sadnog materijala, voćaka, vinove loze i ukrasnog bilja;
- unapređivanje stočarstva, pčelarstva i ribarstva;
- organizaciju i rad veterinarskih ustanova;
- zdravstvenu zaštitu životinja;
- proizvodnju i promet lijekova koji se upotrebljavaju u veterinarstvu;
- proizvodnju i promet sredstava za zaštitu bilja;
- proizvodnju i promet ljekovitog bilja, šumskih plodova i puževa;
- uzgoj, zaštitu i unapređenje šuma;
- pošumljavanje degradiranih šuma, krša i goleti;
- šumske komunikacije, lovstvo;
- eksploataciju šuma;
- uređivanje režima voda, zaštitu voda i štetnog dejstva voda;
- zaštitu od erozije, bujica i elementarnih nepogoda;
- vodosnabdijevanje stanovništva i industrijsku vodu;
- hidromelioracije
- korišćenje voda u energetske i rekreativne svrhe;
- planiranje vodoprivrednih aktivnosti u oblasti upotrebe i zaštite voda na području Kantona;
- organizaciju, unapređenje, izradu i praćenje istraživačkih projekata u oblastima upotrebe i zaštite voda;
- pripremanje nacrtu zakona i drugih propisa iz nadležnosti Ministarstva;
- rješavanje o upravnim stvarima iz nadležnosti Ministarstva;
- inspekcijski nadzor u svim oblastima iz nadležnosti Ministarstva;
- vršenje i drugih poslova iz ovih oblasti, u skladu sa zakonom.

U sastavu Ministarstva poljoprivrede, šumarstva i vodoprivrede su upravne organizacije: Poljoprivredni zavod, Veterinarski zavod i Direkcija voda.

**Poljoprivredni zavod** vrši stručne i druge poslove koji se odnose na:

- poljoprivredne usluge za biljnu proizvodnju i stočarstvo;
- kontrolu kvaliteta poljoprivredno-prehrambenih proizvoda i stočne hrane u proizvodnji i prometu kao i druge djelatnosti u vezi sa tom kontrolom uz izdavanje odgovarajućih dokumenata;
- izradu programa, projekata i studija;
- nadzor nad proizvodnjom i doradom sjemena i sadnog materijala;
- laboratorijske analize zemljišta, sjemenskog i merkantilnog materijala, te ostalih poljoprivredno-prehrambenih proizvoda,
- vršenje i drugih poslova u skladu sa propisima.

**Veterinarski zavod** vrši stručne i druge poslove koji se odnose na:

- dijagnostičke postupke i epizootiološka istraživanja u veterinarstvu;
- zdravstvenu ispravnost namirnica, predmeta opće upotrebe i stočne hrane;
- mikrobiološku i radiološku dijagnostiku;
- kontrolu kvaliteta roba sa izdavanjem odgovarajućih dokumenata;
- vršenje i drugih poslova u skladu sa propisima.

**Direkcija voda** vrši stručne i druge poslove koji se odnose na:

- ugovaranje i praćenje izrade vodoprivrednih osnova;
- praćenje i iniciranje sprovođenja vodoprivrednih osnova i podnošenje inicijative za izmjene i dopune vodoprivrednih osnova;
- izradu prednacrtu dugoročnih, srednjoročnih i godišnjih planova razvoja vodoprivrede Kantona;
- organizaciju odnosno vršenje svih poslova i zadataka na izvršavanju planova vodoprivrede Kantona;
- organizaciju istražnih radova, izradu investiciono-tehničke i druge dokumentacije i vršenje interne revizije te dokumentacije;
- vršenje svih investitorskih poslova i nadzor nad izgradnjom vodoprivrednih objekata iz srednjoročnog i godišnjeg plana razvoja vodoprivrede Kantona;
- praćenje stanja uređenih korita vodotoka u naseljenim mjestima i preduzimanje radova na njihovom održavanju u saradnji sa općinama;
- planiranje i prikupljanje sredstava za finansiranje poslova i zadataka u okviru vodoprivredne djelatnosti iz nadležnosti Kantona;
- saradnju sa općinama, privrednim društvima i drugim pravnim licima sa područja Kantona vezano za poslove u oblastima iz nadležnosti Direkcije;
- saradnju sa javnim vodoprivrednim preduzećima kod izrade vodoprivrednih osnova, dugoročnih, srednjoročnih i godišnjih planova razvoja vodoprivrede Kantona, bilans voda na području Kantona, odbrani od poplava, odbrani od havarijskih zagađenja voda i o drugim pitanjima vodoprivrede na području Kantona;
- vršenje i drugih poslova u skladu sa propisima.

#### Član 14.

**Ministarstvo zdravstva** vrši upravne i druge stručne poslove koji se odnose na:

- obezbjeđivanje primjene najviših standarda ljudskih prava i sloboda utvrđenih međunarodnim aktima, ustavima i zakonima u oblastima iz nadležnosti Ministarstva;
- razvoj i unapređenje zdravstvene zaštite i zdravstvenog osiguranja u jedinstvenom sistemu zdravstvene djelatnosti;
- unapređenje preventivne zdravstvene zaštite;
- stručno-medicinski nadzor nad radom javnih i privatnih zdravstvenih ustanova i zdravstvenih radnika;
- razvoj naučnoistraživačke djelatnosti u resornoj oblasti;
- preduzimanje i sprovođenje mjera i akcija za sprječavanje i suzbijanje zaraznih bolesti;
- zaštitu od štetnog djelovanja jonizirajućeg zračenja i radijacionu bezbjednost, kao i zaštitu od štetnih uticaja okoline na zdravlje građana;
- promet lijekova, otrova i opojnih droga;
- zdravstveno-statističku djelatnost;
- nadzor nad radom ustanova u oblasti zdravstva;
- vođenje registra ustanova zdravstvene zaštite za područje Kantona;
- pripremanje nacrtu zakona i drugih propisa iz nadležnosti Ministarstva;

- rješavanje o upravnim stvarima iz nadležnosti Ministarstva;
- vođenje inspekcijskog nadzora u oblastima iz nadležnosti Ministarstava;
- vršenje i drugih poslova u skladu sa zakonom.

## Član 15.

**Ministarstvo za rad i socijalnu politiku** vrši upravne i druge stručne poslove koji se odnose na:

- obezbjeđivanje primjene najviših standarda ljudskih prava i sloboda utvrđenih međunarodnim aktima, ustavima i zakonima u oblastima iz nadležnosti Ministarstva;
- radne odnose i zaštitu zaposlenika kao i prava nezaposlenih lica, u skladu sa zakonom;
- vođenje registra zaključenih kolektivnih ugovora o radu za područje Kantona;
- zaštitu na radu u skladu sa zakonom;
- socijalnu zaštitu, zaštitu civilnih žrtava rata i zaštitu porodica sa djecom u skladu sa zakonom;
- razvoj i unapređenje socijalne zaštite u jedinstvenom sistemu socijalne djelatnosti;
- nadzor nad radom ustanova u oblasti socijalne zaštite;
- koordinaciju i rad humanitarnih organizacija u skladu sa zakonom;
- vođenje registra ustanova socijalne zaštite za područje Kantona;
- pripremanje nacrtu zakona i drugih propisa iz nadležnosti Ministarstva;
- rješavanje o upravnim stvarima iz nadležnosti Ministarstva;
- vođenje inspekcijskog nadzora u oblastima iz nadležnosti Ministarstva;
- vršenje i drugih poslova u skladu sa zakonom.

## Član 16.

**Ministarstvo za obnovu, razvoj i povratak** vrši upravne i druge stručne poslove koji se odnose na:

- obezbjeđivanje primjene najviših standarda ljudskih prava i sloboda utvrđenih međunarodnim aktima, ustavima i zakonima u oblastima iz nadležnosti Ministarstva;
- ostvarivanje saradnje sa resornim ministarstvima u Kantonu i Federaciji, u cilju izrade i utvrđivanja koncepta i programa obnove i razvoja, kao i poslova koji se odnose na povratak stanovništva;
- koordinaciju rada sa resornim ministarstvima u Kantonu, stranim vladinim i nevladinim organizacijama, čija se djelatnost odnosi na obnovu ratom porušenih objekata, izgradnju infrastrukturnih sistema i povratak stanovništva;
- usklađivanje aktivnosti i pružanje pomoći općinama u izradi programa obnove, razvoja i povratka stanovništva;
- davanje saglasnosti i praćenje realizacije projekata obnove i razvoja i povratka, koje realizuju međunarodne organizacije;
- učestvovanje u utvrđivanju globalne strategije razvoja Kantona i Federacije;
- pripremanje odluka u okviru ekonomske politike za poticanje privrednog i društvenog razvoja Kantona u saradnji sa resornim ministarstvima Kantona;
- razvoj i podsticanje poduzetništva naročito u oblasti obrta;
- praćenje stanja i informisanje Vlade o kretanjima u oblasti propisa i standarda za uključivanje u procese evropskih integracija, transfera tehnologije i znanja;
- planiranje povratka i repatrijaciju na području Kantona;
- utvrđivanje prioriteta za obnovu i izgradnju objekata i naselja za smještaj prognanih lica i izbjeglica - povratnika;
- prikupljanje i obradu podataka o prognanim, izbjeglim i raseljenim licima i stvaranje uslova za njihov povratak;

- planiranje osnovnih potreba stanovništva koje obezbjeđuju održivi povratak i predlaganje Vladi iznosa potrebnih sredstava za te namjene;
- praćenje realizacije sredstava namijenjenih za obezbjeđenje uslova za povratak stanovništva i podnošenje odgovarajućih izvještaja;
- ostvarivanje saradnje sa nadležnim organima i institucijama u Bosni i Hercegovini, kao i međunarodnim organizacijama, u cilju realizacije planiranog povratka prognanih i izbjeglih lica;
- pripremanje nacrtu zakona i drugih propisa koji se odnose na oblast obrta, podsticanje razvoja općina i povratak stanovništva;
- rješavanje o upravnim stvarima iz nadležnosti Ministarstva;
- upravni nadzor u oblastima iz nadležnosti Ministarstva;
- vršenje i drugih poslova iz ovih oblasti, u skladu sa zakonom.

## Član 17.

**Ministarstvo za boračka pitanja** vrši upravne i druge stručne poslove koji se odnose na:

- obezbjeđivanje primjene najviših standarda ljudskih prava i sloboda utvrđenih međunarodnim aktima, ustavima i zakonima u oblastima iz nadležnosti Ministarstva;
- ostvarivanje prava iz oblasti boračko-invalidske zaštite za lica sa područja Kantona, koja im pripadaju po osnovu zakonskih i drugih propisa;
- utvrđivanje i provođenje politike, predlaganje, primjena zakonskih i drugih propisa, te utvrđivanje i provođenje adekvatnih mjera koje imaju za svrhu zaštitu prava lica iz prethodne alineje;
- posebnu zaštitu prava ratnih i mirnodopskih invalida, članova porodica poginulih, nestalih i umrlih pripadnika oružanih snaga Bosne i Hercegovine, kao i umrlih ratnih vojnih invalida kroz ostvarivanje prava na novčana primanja, koja proizilaze po tom osnovu i druge vidove socijalne zaštite, koji im pripadaju po osnovu zakonskih i drugih propisa na području Kantona;
- preduzimanje mjera na izgradnji, uređenju i održavanju spomen obilježja, grobalja boraca i stratišta nevinih žrtava rata;
- vođenje upravnog postupka u oblasti boračko-invalidske zaštite i vođenje postupka revizije, u okviru stvarne i mjesne nadležnosti Ministarstva;
- organizovanje i praćenje rada komisija i drugih tijela za utvrđivanje činjenica i dokaza za vođenje postupaka iz prethodne alineje;
- koordinaciju i usklađivanje rada općinskih organa i općinskih službi za upravu u oblasti boračko-invalidske zaštite, a u okviru nadležnosti Ministarstva;
- učestvovanje u planiranju i namjenskoj realizaciji budžetskih sredstava Kantona u oblasti boračko-invalidske zaštite, u skladu sa zakonskim i drugim kantonalnim propisima;
- saradnju i koordinaciju sa drugim ministarstvima Kantona u vršenju poslova iz nadležnosti Ministarstva;
- saradnju i koordinaciju aktivnosti sa asocijacijama boračke populacije koje djeluju na području Kantona;
- vršenje nadzora sa pravnog i ekonomsko-finansijskog aspekta kod ostvarivanja prava lica sa područja Kantona u oblasti boračko-invalidske zaštite;
- pripremanje nacrtu zakona i drugih propisa iz nadležnosti Ministarstva;
- vođenje propisanih evidencija u oblastima iz nadležnosti Ministarstva;
- vršenje i drugih stručnih i upravnih poslova, u skladu sa zakonom i drugim propisima.

## Član 18.

Samostalne upravne ustanove su Zavod za prostorno planiranje i urbanizam, Direkcija za zaštitu okolice i Direkcija za puteve.

## Član 19.

**Zavod za prostorno planiranje i urbanizam** vrši stručne i druge poslove, kao i s njima povezane upravne poslove koji se odnose na:

- poslove nosioca izrade dokumenata prostornog uređenja;
- planiranje, programiranje, projektovanje, korištenje, valorizaciju i zaštitu prostora i mjere za njihovo ostvarivanje;
- nosioca izrade razvojnih planova;
- koordinaciju sa domaćim i stranim institucijama i ekspertima i učešće u izradi naučnih projekata i studija o dugoročnom i srednjoročnom razvoju Kantona;
- analiziranje izrade planskih dokumenata sa aspekta razvoja općina i Kantona, uz utvrđivanje međuzavisnosti u razvoju između općina i Kantona;
- koordinaciju i učešće u pripremi i praćenju realizacije projekata obnove i razvoja Kantona, kao i promocije Kantona;
- nosioca izrade provedbenih planova i pripremanje propisa koji su sastavni dio prostornog plana Kantona i planova prostora od posebnog značaja;
- izradu smjernica i programa aktivnosti za izradu provedbenih planova za prostor Kantona i prostore od posebnog značaja;
- učešće u pripremi propisa iz oblasti prostornog uređenja;
- izvršavanje poslova koje općine povjere Zavodu;
- izdavanje stručnih časopisa i publikacija;
- priređivanje stručnih manifestacija i izložbi;
- vršenje i drugih poslova u skladu sa zakonom.

## Član 20.

**Direkcija za zaštitu okolice** obavlja stručne i druge poslove koji se odnose na:

- izradu osnova za praćenje stanja okolice (monitoringa);
- izradu osnova obezbjeđenja najpovoljnijih tehničkih, proizvodnih i ekonomskih mjera upravljanja okolicom;
- izradu osnova ravnomjernog privrednog razvoja i djelotvorne zaštite okolice (održivog privrednog razvoja);
- izradu kratkoročnih i dugoročnih mjera za sprječavanje zagađenja okolice i redosljed njihovog ostvarivanja sa rokovima izvršenja;
- izradu projektnih zadataka, konceptijskih rješenja, studija i investicionih programa i revizija projektna dokumentacije u oblasti zaštite okolice;
- praćenje stanja i utvrđivanje kvaliteta okolice (monitoring);
- vođenje poslova prikupljanja, evidencije i utroška sredstava prikupljenih po osnovu odredaba Zakona o zaštiti okolice;
- vršenje i drugih poslova u skladu sa zakonom.

## Član 21.

**Direkcija za puteve** vrši stručne i druge poslove koji se odnose na:

- izgradnju, održavanje, rekonstrukciju i zaštitu puteva na području Kantona, a u skladu sa planom razvoja;
- finansiranje radova i povjeravanje poslova izgradnje, održavanja, rekonstrukcije i zaštite puteva ovlašćenim pravnim subjektima;
- vođenje investiciono-tehničke dokumentacije o putevima i putnim objektima na području Kantona;
- predlaganje visine naknade za korišćenje puteva
- vršenje i drugih poslova u skladu sa zakonom.

**III. RUKOVOĐENJE MINISTARSTVOM, UPRAVOM I UPRAVNOM USTANOVOM****1. Rukovođenje ministarstvom**

## Član 22.

Ministarstvom rukovodi ministar.  
Način i postupak imenovanja ministra utvrđen je zakonom o Vladi Kantona.

## Član 23.

U rukovođenju ministarstvom ministar naročito:

- obezbjeđuje provođenje kantonalne politike i izvršavanje zakona i drugih propisa iz nadležnosti ministarstva,
- obezbjeđuje vršenje poslova i postupanje u skladu sa uputstvima i smjericama Vlade o načinu sprovođenja utvrđene politike i izvršavanja kantonalnih zakona i drugih propisa u oblastima iz nadležnosti Ministarstva,
- organizuje izvršavanje poslova iz nadležnosti Ministarstva neposredno ili putem rukovodećih službenika,
- obezbjeđuje, prati i preduzima potrebne mjere da se poslovi iz nadležnosti Ministarstva izvršavaju zakonito i efikasno,
- donosi provedbene propise, kao i druge opće i pojedinačne akte, u skladu sa zakonom i drugim propisima,
- odlučuje o pravima, obavezama i odgovornostima službenika i namještenika zaposlenih u ministarstvu.

## Član 24.

Za stanje u oblastima iz nadležnosti ministarstva kojim rukovodi, ministar je odgovoran predsjedniku i Vladi Kantona.

## Član 25.

Ministar može biti imenovan ako ima najmanje visoku školsku spremu, koja odgovara prirodi i vrsti poslova iz nadležnosti ministarstva.

## Član 26.

U slučaju odsutnosti ili sprječivosti za rad ministra, zamjenjuje ga rukovodeći službenik koga on odredi.

**2. Rukovođenje upravom i upravnom ustanovom**

## Član 27.

Upravom i upravnom ustanovom rukovodi direktor.  
Način i postupak imenovanja, odnosno postavljenja, kao i ovlašćenja i odgovornost direktora uprave i upravne ustanove utvrđen je Zakonom o kantonalnoj upravi.

## Član 28.

Direktor uprave i upravne ustanove može biti imenovan, odnosno postavljen, ako ima najmanje visoku školsku spremu, koja odgovara prirodi i vrsti poslova iz nadležnosti uprave i upravne ustanove.

**IV. PRIJELAZNE I ZAVRŠNE ODREDBE**

## Član 29.

Od dana stupanja na snagu ovog Zakona:

- Ministarstvo pravde nastavlja sa radom kao Ministarstvo pravosuđa i uprave,

- Ministarstvo urbanizma, prostornog uređenja i zaštite okolice nastavlja sa radom kao Ministarstvo prostornog uređenja i zaštite okolice.

Pod istim nazivom nastavljaju sa radom:

- Ministarstvo unutrašnjih poslova,
- Ministarstvo obrazovanja, nauke, kulture i sporta,
- Ministarstvo finansija,
- Ministarstvo industrije energetike i rudarstva;
- Ministarstvo poljoprivrede, šumarstva i vodoprivrede;
- Ministarstvo zdravstva;
- Ministarstvo za rad i socijalnu politiku i
- Ministarstvo za boračka pitanja,

#### Član 30.

Ministarstvo trgovine, turizma i saobraćaja i Ministarstvo za obnovu, razvoj i povratak počinju sa radom danom stupanja na dužnost ministra, koji rukovodi tim ministarstvom.

#### Član 31.

Zavod za prostorno planiranje i urbanizam, Direkcija za zaštitu okolice i Direkcija za puteve počinju sa radom danom imenovanja direktora Zavoda, odnosno direkcija.

#### Član 32.

Početak rada ministarstava iz člana 30. ovog Zakona, prestaju sa radom:

- Ministarstvo trgovine i turizma,
- Ministarstvo za raseljena lica, izbjeglice i povratnike,
- Ministarstvo prometa i komunikacija.

#### Član 33.

Ministarstva iz člana 30. ovog Zakona preuzimaju rukovodeće službenike, službenike i namještenike, opremu i inventar, predmete u radu, službene evidencije, arhivu i dr. od ministarstava iz prethodnog člana, kako slijedi:

- Ministarstvo trgovine, turizma i saobraćaja od Ministarstva trgovine i turizma i Ministarstva prometa i komunikacija;
- Ministarstvo za obnovu, razvoj i povratak od Ministarstva obnove, razvoja i poduzetništva i Ministarstva za raseljena lica, izbjeglice i povratnike.

#### Član 34.

Rukovodioci organa uprave i upravnih ustanova iz članova 30. i 31. dužni su donijeti pravilnik o unutrašnjoj organizaciji organa, odnosno ustanove, u roku od 30 dana od dana stupanja na dužnost ministra, odnosno od dana imenovanja direktora.

#### Član 35.

Lica u radnom odnosu, koja ne budu raspoređena na radna mjesta utvrđena pravilnikom o unutrašnjoj organizaciji ministarstva u koje su preuzeti, ostvarivat će svoja prava iz radnog odnosa shodno propisima koji se odnose na neraspoređene službenike.

#### Član 36.

Danom stupanja na snagu ovog Zakona prestaje da važi Zakon o ministarstvima i drugim organima uprave Tuzlanskog kantona ("Službene novine Tuzlansko-podrinjskog kantona", broj: 3/94., 6/97., 14/97. i 1/98. i "Službene novine Tuzlanskog kantona", broj: 4/2000.).

#### Član 37.

Ovaj Zakon stupa na snagu osmog dana od dana objavljivanja u "Službenim novinama Tuzlanskog kantona".

Bosna i Hercegovina  
Federacija Bosne i Hercegovine  
TUZLANSKI KANTON  
Skupština  
Broj: 01-011-425-15/00  
Tuzla, 18. 11. 2000. godine

Predsjednik  
Skupštine Tuzlanskog kantona,  
**Dr. Izet Žigić, v.r.**

### 588

Na temelju poglavlja IV, odjeljak B, članka 33. stavak 1. točka e) Ustava Tuzlanskog kantona, donosim

## UKAZ

### O PROGLAŠENJU ZAKONA O MINISTARSTVIMA I DRUGIM ORGANIMA UPRAVE TUZLANSKOG KANTONA

Proglašava se Zakon o ministarstvima i drugim organima uprave Tuzlanskog kantona, koji je donio Sabor Tuzlanskog kantona na sjednici od 18. 11. 2000. godine.

Broj: 01/1-02-1866/00  
Tuzla, 27. 11. 2000. g.

Predsjednik  
Tuzlanskog kantona  
**Dr. Tarik Arapčić, v.r.**

## ZAKON

### O MINISTARSTVIMA I DRUGIM ORGANIMA UPRAVE TUZLANSKOG KANTONA

#### I. OPĆE ODREDBE

##### Članak 1.

Ovim Zakonom osnivaju se ministarstva, uprave i upravne ustanove Tuzlanskog kantona (u daljem tekstu: Kanton), određuje njihova nadležnost i uređuju druga pitanja od značaja za njihovo organiziranje i funkcioniranje.

##### Članak 2.

Ministarstva i uprave su organi uprave Kantona, koji se ovim Zakonom osnivaju za obavljanje upravnih i drugih stručnih poslova iz nadležnosti Kantona.

Upravne ustanove, osnivaju se ovim Zakonom za vršenje određenih stručnih i drugih poslova, kao i s njima povezanih upravnih poslova.

##### Članak 3.

Organi uprave i upravne ustanove iz članka 2. ovog Zakona, vrše poslove uprave iz nadležnosti Kantona, u okviru svojih nadležnosti utvrđenih ovim Zakonom i drugim propisima.

##### Članak 4.

Sjedište ministarstava, uprava i upravnih ustanova Kantona je u Tuzli.